


### Туныктышына

Мый кокымшо классыште тунемам. Класс вуйлатышем – Людмила Васильевна. Тудо пеш поро, шыма, умылен моштышо туныктышо. Мемнан верч эре тургыжлана. Урокышто у темым сайын умылтара. Ме тудым моткоч йоратена. Кажне туныктышо тудын гай лишеш гын, могай сай!

**Валерия ТОПОРОВА.**

2-шо номеран Советский школ.



Тений Грузийн рудолаштыже, Тбилисиште, «Угинде» кином ончыктеныт. Тудым марий кинорежиссёр Алексей Алексеев (Эстонийште ила) сниматлен. Киношто Татарстан кундемсе Кукмара районышто илыше марий-влак да Угинде пайрем нерген ойлалтеш.

### Ковай деке унала



1-ше номеран Морко йочасад.


Группыштына «Ковай деке унала» занятийым эртарышна. Унала ава-кова-влак толыныт. Нуно тۇрым тўрленят, пижым пидыныт, ургеныт, а ковай межым шўдыраш туныктен. Йоча-влак туштылан вашмутым кычалыныт, калык модыш дене модыныт, марла почеламутым лудыныт.

И.Палантай. 130 ий

### Мурсем тўняште – икымше марий ончылыбей

**И.С.Палантайын лўмгечыже вашеш «Иван Степановичым Те молан пага-леда?» йодышлан вашешташ йодна.**

Иван Ильич ЕГОРОВ, Марий Элын сулло артистше, Россий искусствын сулло деятельже, Я.Эшпай лўмеш Марий кугыжаныш филармонийын директоржо:



– Иван Степанович Палантай ден Яков Андреевич Эшпай марий профессиональный музыкылан негызым пыштеныт. Нуно марий калык шўмеш ўмырешлан шарнымашеш кодыныт. Иван Степановичын вуйлатыме хоржым налаш. Могай тале, мастар вуйлатыше лияш кўлын! 1923 ий августышто Москошто Хор-влакын I олимпиадыштышт кокымшо верым налыныт – моткоч кугу сенымаш! Кызытсе жапыште тыгай кўкшў сенымашке могай хор шуын? Марий музыкышто шуко йўк дене мурымашым Палантай тўналын. Тудын возымо произведенийже-влак марий мурсем тўняште эталонлан шотлалтыт. Нуно самырык композитор-влаклан настольный книга гай лийшаш улыт. Тыгай кўкшытыш марий самырык композитор-влак але шуын огытыл. Йошкар-Оласе музыкальный училище Палантайын лўмжым нумалеш. Мыланемат пиал логалын тушто тунем лекташ. Училище Москваш тунемаш каяш корным почын.

**Л.ГРИГОРЬЕВА.**

### Азап



Шошо толын,  
лум шула,  
Корно дене вўд йога.  
Ял воктене – лавыра.  
Школыш каяш – томаша!  
Шўжаремже – Полина –  
Сыпте-сопто ошкеда.  
Шижде лакыш тошкалеш,  
Кемже вўдым кошталеш.  
Шинчавўдшў йогалеш,  
Мўнтў лап возын куржеш.  
Ночко кем ден йол кылма,  
Вот тыгай азап паша.

**Таня РЕЧКИНА,**  
8-ше класс.

У Торъял школ.



### Марий Эл Республикысе йоча да подростково-влакын организацийыштын «Эр вий» ушемышт

17 апрельште Йошкар-Оласе «Спартак» спорткомплексыште (Карл Маркс урем, 105) спортивный еш-влак коклаште республикысе конкурсын финалже эрташ тўналеш. Тушто кок номинаций лишеш:

✓ «Самая спортивная семья – моя!» – кум ег (ача, ава да икшыве). Йочан ийготшо: 10-11 ий.

Еш-влак дартс («Сектор 20» упражнений), ўстембал теннис да шашке дене такасат.

✓ «Сильному роду нет переводу!» – ныл ег (пўрчен, ўдырамаш, кок йоча). Йочан ийготшо: 10-13 ий. Ача-авам родо-тукым вашталтен кертеш.

Тиде номинацийыш «Папа, мама и я – спортивная семья» эстафете, еш архив нерген каласкалымаш пурат.

19 мартыште Морко посёлкысо Йоча усталык рўдер спорт полатыш савырныш. Тушто вич еш такасыш. Меат ешна дене: ачам, Майя акам да мый – ушнышна. Такасымаште секалтше гиш лий. Спорт пайрем чылалан весела кумылым пўлеклыш.

**Юлия АНИСИМОВА.**  
Морко, Коркатово.